


中華大典



圖書在版編目(CIP)數據

中華大典·林業典·森林資源與生態分典 / 《中華大典》工作委員會,《中華大典》編纂委員會編纂. -- 南京: 鳳凰出版社, 2014. 12
ISBN 978-7-5506-2044-5

I. ①中… II. ①中… ②中… III. ①百科全書—中國②森林資源—中國③森林生態學—中國 IV. ①Z227
②F326.2

中國版本圖書館CIP數據核字(2014)第227350號

中華大典·林業典·森林資源與生態分典

編纂:《中華大典》工作委員會

《中華大典》編纂委員會

出版發行:鳳凰出版傳媒股份有限公司

鳳凰出版社(原江蘇古籍出版社)

發行部電話 025-83223462

南京市湖南路1號A樓,郵編:210009

出版社地址:南京市中央路165號,郵編:210009

出版社網址:<http://www.fhcbs.com>

經銷:鳳凰出版傳媒股份有限公司

照排:江蘇鳳凰製版有限公司

印刷:南京愛德印刷有限公司

南京市江寧區東善橋秣周中路99號,郵編:211153

開本:787×1092 1/16

印張:140.5

字數:4316千字

版次:2014年12月第1版 2014年12月第1次印刷

標準書號:ISBN 978-7-5506-2044-5

定價:1690.00圓(全二冊)

草部

阿魏

綜述

明 李時珍 《本草綱目》卷三四 阿魏《唐本草》 校正：自草部移入

此。釋名：阿虞、《綱目》熏渠、《唐本》哈昔泥。時珍曰：夷人自稱曰阿，此物極臭，阿之所畏也。波斯國呼爲阿虞，天竺國呼爲形虞，《涅槃經》謂之央曠。蒙古人謂之哈昔泥，元時食用以和料。其根名穩展，云淹羊肉甚香美，功同阿魏。見《飲膳正要》。集解：恭曰：阿魏生西番及崑崙。苗葉根莖酷似白芷。搗根汁，日煎作餅者爲上。截根穿暴乾者爲次。體性極臭而能止臭，亦爲奇物也。又婆羅門云：熏渠即是阿魏，取根汁暴之如膠，或截根日乾，並極臭。西國持咒人禁食之。常食用之，云去臭氣。戎人重此，猶俗中貴胡椒，巴人重負蠻也。珣曰：按《廣志》云：生崑崙國。是木津液，如桃膠狀。其色黑者不堪，其狀黃散者爲上。雲南長河中亦有，與船上來者滋味相似一般，祇無黃色。頌曰：今惟廣州有之，云是木膏液滴釀結成，與蘇恭所說不同。按段成式《西陽雜俎》云：阿魏木，生波斯國及伽闍那國，即北天竺也。木長八九尺，皮色青黃。三月生葉，似鼠耳。無花實。斷其枝，汁出如飴，久乃堅凝，名阿魏。摩伽陀僧言：取其汁，和米、豆屑合釀而成。其說與廣州所生者相近。承曰：阿魏合在木部。今二浙人家亦種之，枝葉香氣皆同而差澹薄，但無汁膏爾。時珍曰：阿魏有草、木二種。草者出西域，可曬可煎，蘇恭所說是也。木者出南番，取其脂汁，李珣、蘇頌、陳承所說是也。按《一統志》所載有此二種。云出火州及沙鹿、海牙國者，草高尺許，根株獨立，枝葉如蓋，臭氣逼人，生取其汁熬作膏，名阿魏。出三佛齊及暹羅國者，樹不甚高，土人納竹筒於樹內，脂滿其中，冬月破筒取之。或云其脂最毒，人不敢近。每採時，以羊繫於樹下，自遠射之。脂之毒着羊，羊斃即爲阿魏。觀此，則其有二種明矣。蓋其樹低小如枸杞、杜荊之類，西南風土不同，故或如草如木也。繫羊射脂之說，俗亦相傳，但無實據。諺

云：黃芩無假，阿魏無真。以其多僞也。劉純詩云：阿魏無真卻有真，臭而止臭乃爲珍。炳曰：人多言煎蒜白爲假者。數曰：驗法有三：第一，以半銖安熟銅器中，一宿至明沾阿魏處白如銀汞，無赤色；第二，將一銖置於五斗草自然汁中一夜，至明如鮮血色；第三，將一銖安於柚樹上，樹立乾，便是真者。凡用，乳鉢研細，熱酒器上裹過，入藥。

明 慎懋官 《華夷花木鳥獸珍玩考》卷一《阿魏》 《三佛齊志》：阿

魏樹，不甚高，土人納竹筒於樹稍，脂滿其中。冬月破筒取脂，即阿魏也。或曰其脂最毒，人不敢近。每採時，繫羊樹下，自遠射之。脂之毒着於羊，羊斃即爲魏。《唐本注》云：苗葉根莖酷似白芷，搗根汁，日煎作餅者爲上。截根穿暴乾者爲次。體性極臭而能止臭，亦爲奇物也。蕭炳云：今人曰煎蒜白爲假者。拂林國僧戀鬱所說，同摩伽陀僧提婆言，取其汁，和米、豆屑合成阿魏。雷公云：凡使多有訛僞，其有三驗：第一驗，將半銖安於熟銅器中一宿，至明露阿魏處白如銀汞，無赤色；第二驗，將一銖置於五斗草自然汁中一夜，至明如鮮血色；第三驗，將一銖安於柚樹上，樹立乾，便是真。

明 謝肇淛 《五雜俎》卷一〇《物部二》 俗云黃金無假，阿魏無真。

阿魏生西域中，一名合昔泥，其樹有汁沾物即化。人多牽羊豕之類繫樹下，遙以物撼其樹，汁落則羊豕皆成阿魏矣。樹上之汁終不可得，故云無真也。其味辛平無毒，殺諸蟲，破癥瘕、下惡，除邪，解蟲毒，且其氣極臭而能止臭，彼中以淹羊肉甚美。中國止入藥物而已。又有馬思答吉者，似椒而香酷烈，以當椒用。有回回豆狀如梧子，磨入麵中極香，兼去麵毒。

清 張岱 《夜航船》卷一〇六《植物部·草木》 阿魏樹，出三佛齊國。

其樹有癭出滋最毒，着人身即糜爛，人不敢近。每採時，繫羊於樹下，騎快馬自遠射之，脂着於羊，羊即斃，故曰飛鳥取阿魏。

清 程岱 《野語》卷八《語屑·阿魏》 阿魏，中國絕少，多以蒜膏僞


之。諾皋載波斯國阿虞長八九丈，皮色青黃，三月生，葉如鼠耳，斷其枝，汗出如飴，久而堅凝，名阿魏。《本草》從之。近有客自滇中來，乃言彼處蜂形甚巨，結窩多在絕壁，垂如雨。蓋滇人於其下掘一深坎，置肥羊於內，令善射者飛騎發矢，落其窩，急以物覆坎，則蜂與羊共相刺撲，二者合併而化，久之

取出杵用，是名阿魏。《明史》：撒馬兒罕西去五百餘里，有沙鹿海牙國，地生臭草，高尺餘，葉如蓋，煮其葉成膏，為真阿魏。


清 吳其濬 《植物名實圖考》卷三五《阿魏》 阿魏，《唐本草》始著錄。《酉陽雜俎》作阿虞。波斯樹，汁凝成。《觚賸》云：滇中蜂形甚巨，結窩多在絕壁，垂如雨蓋。人於其下，掘一深坎，置肥羊於內，令善射者飛騎發矢，落其窩急覆其坎，二物合化，是名阿魏。按巖蜂在九龍外蠻人至斃，則此物亦非內地所產。

圖表

明 李時珍 《本草綱目·圖卷》



清 吳其濬 《植物名實圖考》卷三五《阿魏》



艾

綜述

《爾雅·釋草》 艾，冰臺。注，今艾蒿。音義：艾，五蓋反。冰，彼升反。疏：艾，一名冰臺，即今艾蒿也。《詩·王風》云：「彼采艾兮」是也。

漢 許慎 《說文》卷一 艾，艾，冰臺也。从艸，乂聲。五蓋切。

宋 釋贊寧 《東坡先生生物類相感志》卷一二《白艾》 《衡山記》云：測以五月五日未雞鳴時，采艾，若見似人形時，攬而採之，灸疾，極驗也。

宋 吳仁傑 《離騷草木疏》卷四《艾》 戶服艾以盈要兮，謂幽蘭其不可佩。王逸注：艾，白蒿也。言楚國戶服白蒿以為芬芳，反謂幽蘭臭惡不可佩，以言君愛昵諛佞，憎遠忠直而不肯進也。仁傑按：《王度記》大夫鬯酒以蘭芝，庶人以艾，則蘭艾之分尚矣。《爾雅》：艾，一名冰臺。郭璞

注：即今蒿艾也，逸以艾爲白蒿。按：艾蒿與白蒿不同。白蒿，《詩》所謂繁也。《詩》有采繁，有采艾。《本草》有白蒿條，又別出艾葉條。《嘉祐圖經》云：艾初春布地生，苗莖類蒿而葉皆白。又云：白蒿葉上有白毛，從初生至枯，白於衆蒿，頗似細艾。按：蒿與白蒿相似耳，便以艾爲白蒿則誤矣。

宋 戴侗 《六書故》卷二四 艾 ，五蓋切。艾葉厚而毛絨白，茸搗授，用以灸者也。

明 屠本峻 《離騷草木疏補》卷四《艾》 艾，艾蒿也，一名冰臺。初春布地生，苗莖類蒿而葉背白。荆楚之俗，五月五日鷄未鳴時采之，用灸百疾，故又名醫草。

明 李時珍 《本草綱目》卷一五 艾《別錄》中品 釋名：冰臺、《爾雅》醫草、《別錄》黃草、《埤雅》艾蒿。時珍曰：王安石《字說》云：艾可又疾，久而彌善，故字從乚。陸佃《埤雅》云：《博物志》言削冰令圓，舉而向日，以艾承其影則得火。則艾名冰臺，其以此乎？醫家用灸百病，故曰灸草。一灼謂之一壯，以壯人爲法也。集解：《別錄》曰：艾葉生田野，三月三日採，暴乾。頌曰：處處有之，以複道及四明者爲佳，云此種灸百病尤勝。初春布地生苗，莖類蒿，葉背白，以苗短者爲良。三月三日，五月五日，採葉暴乾，陳久方可用。時珍曰：艾葉《本草》不著土產，但雲生田野。宋時以湯陰複道者爲佳，四明者圖形。近代惟湯陰者謂之北艾，四明者謂之海艾。自成化以來，則以蘄州者爲勝，用充方物，天下重之，謂之蘄艾。相傳他處艾灸酒壇不能透，蘄艾一灸則直透徹，爲異也。此草多生山原。二月宿根生苗成叢，其莖直生，白色，高四五尺。其葉四布，狀如蒿，分爲五尖，極上復有小尖，面青背白，有茸而柔厚。七八月葉間出穗如車前穗，細花，結實纍纍盈枝，中有細子，霜後始枯。皆以五月五日連莖刈取，暴乾收葉。先君月池子諱言聞，嘗著《蘄艾傳》一卷。有贊云：產於山陽，採以端午。治病灸疾，功非小補。又宗懷《荆楚歲時記》云：五月五日鷄未鳴時，採艾似人形者攬而取之，收以灸病甚驗。是日採艾爲人，懸於戶上，可攘毒氣。其莖乾之，染麻油引火點灸，滋潤灸瘡，至愈不疼。亦可代善策，及作燭心。

明 慎懋官 《華夷花木鳥獸珍玩考》卷五《艾》 艾可攻百病，今以蘄州者爲勝。蘄葉厚而綿多，本地所有者葉薄而綿少。

明 吳雨 《毛詩鳥獸草木考》卷一二《艾》 艾，艾蒿也。似蒿，一名冰臺，一名灸草。春初布地生苗，莖類蒿而葉背白。荆楚之俗，五月五日雞未

鳴時採之，用灸百病，故名醫草。或曰見似人者攬而取之，用灸有驗。歲或多病則艾多生，亦天預備以救人也。《博物志》曰：削冰令圓，舉以向日，以艾承其影，則得火。艾曰冰臺，其以此乎？崔寔《四民月令》曰：三月可採艾。

明 李中立 《本草原始》卷二 艾處處有之。初春布地生苗，莖類蒿而葉背白，以複道者爲佳。三月三日、五月五日採葉暴乾。按：王安石《字說》云：艾可又疾，久而彌善，故字從乚。醫家用灸百病，故一名灸草。《別錄》名醫草。

明 盧之頤 《本草乘雅伴偈》卷八〔艾〕生山谷田野間。〔略〕春時宿根再發布地，生苗如蒿，作叢莖直上，高四五尺。葉四布，具五尖、九尖者勝。極上復有小尖，面青背白。八月葉間復出穗，細花，結實纍纍盈枝。中有細子，霜後始枯，著草類也。

清 高士奇 《北墅抱甕錄·艾》 艾雖見斥於《楚騷》，然亦香草之一種。與蕭不同，隙地自生。懶加剪薙，森森林立，風過頗香。

清 孫之騷 《枝語》卷上《千年艾長樂花》 自身以上至於荒芒爾，遠矣。自死而天地無窮爾，滔矣。以數雜之壽，而憂千年之艾，未可得，人必笑之矣。雜，匝也，從子至亥爲一匝。蓋艾可蓄而久，而人非千年之人，此憂其不必憂者也。夫不憂則不病病，不病病所以長樂也。蜀有紫華草，長虞所賦，長樂花也。蘇頌謂以短長之形，度其長則至美；以哀樂之類，同其樂則至喜。夫不憂，世之不必憂而長也，樂也，可與言道矣。

清 牟應震 《毛詩物名考》卷六 艾，《爾雅》：艾，冰臺。似白蒿而大，莖直葉厚，去其膚末，茸細如綿，曰艾絨。其性□，故取以灸疾。

圖表

晉 郭璞 《爾雅音圖·釋草》



明 李時珍 《本草綱目·圖卷》



白附子


綜述

明 李時珍 《本草綱目》卷一七 白附子《別錄》下品 釋名：〔略〕集解：《別錄》曰：白附子生蜀郡。三月採。弘景曰：此物久絕，無復真者。恭曰：本出高麗，今出涼州以西，蜀郡不復有。生砂磧下濕地，獨莖似鼠尾草，細葉周匝，生於穗間，根形似天雄。珣曰：徐表《南州異物記》云：生東海、新羅國及遼東。苗與附子相似。時珍曰：根正如草烏頭之小者，長寸許，乾者皺文有節。發明：時珍曰：白附子乃陽明經藥，因與附子相似，故得此名，實非附子類也。按《楚國先賢傳》云：孔休傷頰有癰。王莽賜玉屑白附子香，與之消癰。即此。

清 嵇璜 《續通志》卷一七四 白附子，因與附子相類，故得此名，實非附子類也。《楚國先賢傳》云：孔休傷頰有癰，王莽賜玉屑白附子香，與之消癰。即此。

圖表

明 李時珍 《本草綱目·圖卷》



白及

綜述

宋 鄭樵 《通志》卷七五 白芨，曰甘根，曰連及。葉如初生栝櫚，根如菱米。

明 李時珍 《本草綱目》卷一二 白及，《本經》下品 校正：並入《別錄》白給。釋名：連及草、《本經》甘根、《本經》白給。時珍曰：其根白色，連及而生，故曰白及。其味苦，而曰甘根，反言也。《吳普》作白根，其根有白，亦通。《金光明經》謂之罔達羅喝悉多。又《別錄》有名未用白給，即白及也，性味功用皆同，係重出，今並爲一。集解：《別錄》曰：白及生北山川谷及冤句及越山。又曰：白給生山谷，葉如藜蘆，根白相連，九月採。普曰：莖葉如生薑、藜蘆，十月花，直上，紫赤色，根白連，二月、八月、九月採。弘景曰：近道處處有之。葉似杜若，根形似菱米，節間有毛。方用亦稀，可以作糊。保昇曰：今出申州。葉似初生棕苗葉及藜蘆。三四月抽出一莖，開紫花。七月實熟，黃黑色。冬凋。根似菱，有三角，白色，角頭生芽。八月採根用。頌曰：今江淮、河、陝、漢、黔諸州皆有之，生石山上。春生苗，長一尺許。葉似栝櫚，兩指大，青色。夏開紫花。二月七月採根。時珍曰：韓保昇所說形狀正是，但一科止抽一莖。開花長寸許，紅紫色，中心如舌。其根如菱米，有臍，如鳧趾之臍，又如扁扁螺旋紋。性難乾。


清 吳其濬 《植物名實圖考》卷八《白及》 白及，《本經》下品。山石上多有之。開紫花，長瓣微似甌蘭，其根即用以研朱者。凡瓷器缺損，研汁黏之不脫，雞毛拂之，即時離解。雪婁農曰：黃元治《黔中雜記》謂白芨根，苗婦取以浣衣，甚潔白。其花似蘭，色紅不香，比之簪雞羽毛，徒有文采，不適於用。噫！黃氏之言，其以有用爲無用，以無用爲有用耶？白及爲補肺要藥，磨以膠瓷，堅不可坼，研朱點易，功並雌黃，既以供濯取潔，又以奇艷爲容，陰崖小草，用亦宏矣。

圖表

明 李時珍 《本草綱目·圖卷》



清 吳其濬 《植物名實圖考》卷八《白及》



白斂

綜述

宋 鄭樵 《通志》卷七五 白斂，曰菟核，曰白草，曰白根，曰崑崙，藤生，葉如小桑，根如雞卵。

明 李時珍 《本草綱目》卷一八 白斂《本經》下品 釋名：白草《本經》白根、《別錄》兔核、《本經》貓兒卵、《綱目》崑崙。《別錄》：宗爽曰：白斂，服餌方少用，惟斂瘡方多用之，故名白斂。時珍曰：兔核、貓兒卵，皆象形也。崑崙，言其皮黑也。集解：《別錄》曰：白斂生衡山山谷。二月、八月採根，曝乾。弘景曰：近道處處有之。作藤生，根如白芷，破片竹穿，日乾。恭曰：根似天門冬，一株下有十許根，皮赤黑，肉白，如芍藥，不似白芷。保昇曰：蔓生，枝端有五葉，所在有之。頌曰：今江淮及荆、襄、懷、孟、商、齊諸州皆有之。一月生苗，多在林中作蔓，赤莖，葉如小桑。五月開花，七月結實。根如雞鴨卵而長，三五枚同一窠，皮黑肉白。一種赤斂，花實功用皆同，但表裏俱赤爾。

白茅香

綜述

明 李時珍 《本草綱目》卷一四 白茅香《拾遺》 集解：藏器曰：白茅香生安南，如茅根，道家用作浴湯。珣曰：《廣志》云：生廣南山谷，合諸名香甚奇妙，尤勝舶上來者。時珍曰：此乃南海白茅香，亦今排香之類，非近道之白茅及北土茅香花也。


清 吳其濬 《植物名實圖考》卷二五《白茅香》 白茅香，《本草拾遺》始著錄，但云如茅根，是未見其莖、葉也。今湖南有一種小茅香，俚醫用之，根亦如茅，疑即其類，附以俟考。

圖表

明 李時珍 《本草綱目·圖卷》



清 吳其濬 《植物名實圖考》卷二五《白茅香》



白前

綜述

明 李時珍 《本草綱目》卷一三 白前《別錄》中品 釋名：石藍、《唐本》嗽藥。同上。時珍曰：名義未詳。集解：弘景曰：白前出近道，根似細辛而大，色白不柔易折，氣嗽方多用之。恭曰：苗高尺許，其葉似柳，或似芫花，根長於細辛，白色。生州渚沙磧之上，不生近道。俗名石藍，又名嗽藥。今用蔓生者味苦，非真也。志曰：根似白微、牛膝輩，二月、八月採，陰乾用。嘉謨曰：似牛膝，粗長堅直易斷者，白前也。似牛膝，短小柔軟能彎者，白微也。近道俱有，形色頗同，以此別之，不致差誤。

明 田藝衡 《留青日札》卷三二《白前》 白前葉如柳，或似芫花，苗高尺許，生洲渚沙磧之上，似細辛而大，色白，易折，根白長於細辛，味甘，俗以酒漬服，名石藍，又名嗽藥，圖見《本草》。

清 嵇璜 《續通志》卷一七四 白前，一名石藍，一名嗽藥，與白薇相似。

清 吳其濬 《植物名實圖考》卷八《白前》 白前，《別錄》中品。陶隱居云：根似細辛而大，色白，不柔，易折。《唐本草注》：葉似柳，或似芫花，生沙磧之上，俗名嗽藥，今用蔓生者，味苦非真。核其形狀，蔓生者即湖南所謂白龍鬚，已入蔓草草藥，其似柳者，即此。滇南名瓦草。又蔓生一種。

又卷一〇《滇白前》 白前，《別錄》已載，諸家皆以根似細辛而粗直，葉如柳，如芫花。陶隱居以用蔓生者為非是，然按圖仍不得其形。滇產根如沙參輩，初生直立，漸長莖柔如蔓，對葉，亦微似柳，莖、葉俱綠，葉亦輦。秋開花作長蒂，似萬壽菊，蒂端開五瓣銀褐花，細碎如翦。又有一層小瓣，內吐長鬚數縷，枝繁花濃，鋪地如綺。《滇本草》：瓦草，一名白前，味苦辛，性寒，開闕竅，清肺熱，利小便，治熱淋，主治亦相類。

圖表

明 李時珍 《本草綱目·圖卷》



清 吳其濬 《植物名實圖考》卷八《白前》



又卷一〇《滇白前》



白頭翁

綜 述

明 李時珍 《本草綱目》卷二二 白頭翁《本經》下品 釋名：野丈人、

《本經》胡王使者、《本經》奈何草。《別錄》弘景曰：處處有之。近根處有白茸，狀似白頭老翁，故以爲名。時珍曰：丈人、胡使、奈何，皆狀老翁之意。集解：《別錄》曰：白頭翁生高山山谷及田野，四月採。恭曰：其葉似芍藥而大，抽一莖。莖頭一花，紫色，似木槿花。實大者如鷄子，白毛寸餘，皆披下，似蠶頭，正似白頭老翁，故名焉。陶言近根有白茸，似不識也。太常所貯蔓生者，乃是女萎。其白頭翁根，似續斷而扁。保昇曰：所在有之。有細毛，不滑澤，花蕊黃。二月採花，四月採實，八月採根，皆日乾。頌曰：處處有之。正月生苗，作叢生，狀似白薇而柔細稍長。葉生莖頭，如杏葉，上有細白毛而不滑澤。近根有白茸。根紫色，深如蔓菁。其苗有風則靜，無風而搖，與赤箭、獨活同也。陶注未述莖葉，蘇注言葉似芍藥，實如鷄子，白毛寸餘者，皆誤矣。宗奭曰：白頭翁生河南洛陽界，其新安山野中屢嘗見之，正如蘇恭所說。至今本處山人賣白頭翁丸，言服之壽考，

又失古人命名之義。陶氏所說，失於不審，宜其排叱也。機曰：寇宗奭以蘇恭爲是，蘇頌以陶說爲是。大抵此物用根，命名取象，當準蘇頌《圖經》，而恭說恐別是一物也。

明 張存紳 《增定雅俗稽言》卷四 白頭翁 艸也，有風則靜，無風則

搖。近根處有白茸，似人白頭，故名。溫庭筠云：白頭翁，用蒼耳子作對。

清 孫之騷 《枝語》卷下《白頭翁》《本草》白頭翁草，一名野犬，一名

胡王使者，一名奈何草，生高山谷及野田。陶隱居云：處處有之，以近根處有白茸，狀似人白頭，故以爲名。李白詩曰：醉入田家去，行過荒野中。如何青草裏，亦有白頭翁。《太平御覽》：翁源縣靈池中有石人，或藏或見，鬚眉皓白，自稱曰老翁。人居此源者，率皆壽考。信然，則不必喚奈何矣。

清 吳其濬 《植物名實圖考》卷八《白頭翁》 白頭翁，《本經》下品。

《唐本草》注謂花紫色，似木槿，實大如雞子，白毛寸餘皆披下，似白頭老翁，與《圖經》不同。今《寧都州志》云產白頭翁，採得亦不甚相類，姑圖其形狀以備考。陶、蘇兩說，既大乖異，《圖經》宗陶說而加詳，然原圖殊不相肖。李青蓮有《見野草中有白頭翁者》詩云：如何青草裏，亦有白頭翁。元張昱詩：疎蔓短於蓬，卑棲怯晚風。祇緣頭早白，無處入芳叢。詩人寓意有作，必非目所未見，而醫家乃至聚訟。《本草衍義》以蘇恭所述河南新安山中屢見之，太白往來東京，或即指此，惜非詠物詩體，不復揣侔。然有『折取對明鏡，宛將衰鬢同』之句，則非根上白茸矣。滇南有小小一枝箭，亦名白頭翁，花老作茸，久不飛落，真如種種白髮也。

藝 文

唐 李白 《李太白文集》卷二《見野草中有名白頭翁者》 醉入田家

去，行歌荒野中。如何青草裡，亦有白頭翁。折取對明鏡，宛將衰鬢同。微芳似相誚，流恨向東風。

明 張昱 《可間老人集》卷一《白頭翁》 疎蔓短於蓬，卑棲怯晚風。祇緣頭白早，無處入芳叢。

圖表

明 李時珍 《本草綱目·圖卷》

白頭翁



清 吳其濬 《植物名實圖考》卷八《白頭翁》



森林植物總部·草部

白薇

綜述

《爾雅·釋草》 薇，垂水。注：生於水邊。音義：薇，音微，又音眉。顧云：水濱生，故曰垂水。疏：草生於水濱而枝葉垂於水者曰薇。故注云「生於水邊」也。

宋 陸佃 《埤雅》卷一八《薇》 《爾雅》曰：薇，垂水。好生水邊，故曰垂水，似藿菜之微者也，故《禮》芼豕以薇。《記》曰：「鉶芼牛藿羊苦豕薇」是也。

明 李時珍 《本草綱目》卷一三 白薇《本經》中品 釋名：薇草、《別錄》白幕、《別錄》春草、《別錄》蒨、音尾。骨美。時珍曰：微，細也。其根細而白也。按《爾雅》：蒨，春草也。微、蒨音相近，則白薇又蒨音之轉也。《別錄》以蒨為莽草之名，誤矣。集解：《別錄》曰：白薇生平原川谷，三月三日採根限乾。弘景曰：近道處處有之。頌曰：今陝西諸郡及舒、潞、遼州亦有之。莖葉俱青，頗類柳葉。六七月開紅花，八月結實。其根黃白色，類牛膝而短小，今人八月採之。

圖表

晉 郭璞 《爾雅音圖·釋草》



明 李時珍 《本草綱目·圖卷》



白鮮

綜述

明 李時珍 《本草綱目》卷一三 白鮮音仙。《本經》中品 釋名：白


臚、弘景白羊鮮、弘景地羊鮮、《圖經》金雀兒椒。《日華》弘景曰：俗呼為白羊鮮。氣息正似羊臚，故又名白臚。時珍曰：鮮者，羊之氣也。此草根白色，作羊臚氣，其子纍纍如椒，故有諸名。集解：《別錄》曰：白鮮皮生上谷川谷及冤句，四月、五月採根限乾。弘景曰：近道處處有，以蜀中者為良。恭曰：其葉似茱萸，苗高尺餘，根皮白而心實，花紫白色。根宜二月採，若四月、五月採，便虛惡矣。頌曰：今河中、江寧府、滁州、潤州皆有之。苗高尺餘，莖青，葉稍白，如槐亦似茱萸。四月開花淡紫色，似小蜀葵花。根似小蔓菁，皮黃白而心實。山人採嫩苗為菜茹。

清 嵇璜 《續通志》卷一七四 白鮮，一名白臚，一名白羊鮮，一名地

羊鮮，一名金雀兒椒。葉似茱萸，高尺餘。根白色，作羊臚氣。花紫白色，其子纍纍如椒。

圖表

明 李時珍 《本草綱目·圖卷》



白英

綜述

明 李時珍 《本草綱目》卷一八 白英《本經》上品 校正：並入《別錄》

鬼目。釋名：穀菜、《本經》白草、《別錄》白幕、《拾遺》排風，同上子名鬼目。時珍曰：白英謂其花色，穀菜象其葉文，排風言其功用，鬼目象其子形。《別錄》有名未用，復出鬼目，雖苗子不同，實一物也。故並之。集解：《別錄》曰：白英生益州山谷。春採葉，夏採莖，秋採花，冬採根。又曰：鬼目一名來甘。實赤如五味，十月採。弘景曰：鬼

目俗人呼爲白草子，是矣。又曰白英方藥不復用。此有斛菜，生水中，可蒸食，非是此類。有白草，作羹飲，甚療勞，而不用根花。益州乃有苦菜，土人專食之，充健無病，疑或是此。恭曰：白英，鬼目草也。蔓生，葉似王瓜，小長而五極。實圓，若龍葵子，生青，熟紫黑。東人謂之白草。陶云白草，似識之，而不同的辨。藏器曰：白英，鬼目菜也。蔓生，三月延長。爾雅名符。郭璞云：似葛，葉有毛，子赤色如耳珣珠。若云子熟黑，誤矣。江東夏月取其莖葉，煮粥食，極解熱毒。時珍曰：此俗名排風子是也。正月生苗，白色，可食。秋開小白花。子如龍葵子，熟時紫赤色。《吳志》云：孫皓時有鬼目菜，綠棗樹，長丈餘，葉廣四寸，厚三分，人皆異之。即此物也。又羊蹄草一名鬼目。嶺南有木果亦名鬼目，葉似楮，子大如鴨子，七八月熟，黃色，味酸可食。皆與此同名異物也。

明 曹學佺 《蜀中廣記》卷六四 《本草》：檠菜，一名白英，味甘寒，生益州山谷。治寒熱，久服輕身，延年。檠音谷。

清 吳其濬 《植物名實圖考》卷二二《白英》 白英，《本經》上品，《爾雅》符，鬼目，即此。一名排風子。《吳志》曰：鬼目菜。《齊民要術》誤以爲嶺南鬼目果，湖南謂之望冬紅。俚醫以爲治腰痛要藥。其嫩葉味酸，可作茹。老根生者，葉大有五極，凌冬不枯，春時就根生葉。《吳志》所云綠樹長丈餘，葉廣四寸，厚三分，不足異也。雪婁農曰：白英有毛而酸，貧者食之。滇人呼爲酸尖菜。

圖表

明 李時珍 《本草綱目·圖卷》

排風子

白 英



清 吳其濬 《植物名實圖考》卷二二《白英》



白芷

綜述

《爾雅·釋草》 莞，苻離。其上蒿。注：今西方人呼蒲為莞蒲。蒿謂其頭臺首也。今江東謂之苻離，西方亦名蒲中莖為蒿，用之為席。音義：莞，本或作澣，謝音官，郭音桓，《字林》音緩，俗音關。離，力知反，本或作離。蒿，郭音關，又音歷。疏：某氏曰：《本草》云白蒲，一名苻離，楚謂之莞蒲，其上臺別名蒿。郭義具注。《詩·小雅·斯干》云：下莞上簟。鄭《箋》云：莞，小蒲也者，以莞、蒲一草之名。而《司几筵》有莞筵、蒲筵，則有大小之異。為席有精有粗，故得為兩種席也。

漢 許慎 《說文》卷一 苳，藟也。从艸，臣聲。【略】

藟，楚謂之離，晉謂之藟，齊謂之苳。从艸，聊聲。許矯切。

宋 羅願 《爾雅翼》卷二《苳》 《楚辭》以芳草比君子，而言苳者最多。蓋苳，今香白芷也。一物而多名，苳也，芷也，芳也，藥也，藟也。《說文》曰：楚謂之離，晉謂之藟，齊謂之苳。故《離騷》有辟芷，有芳芷，有白芷，有白苳，有芬香，有藥，有芳。

宋 吳仁傑 《離騷草木疏》卷一《芷芳》 扈江離與辟芷兮。王逸注：扈，被也。言已修潔乃取江離辟芷以為衣被，採衆善以自約也。【略】仁傑按：《本草》白芷名芳香，又名澤芬。陶隱居云：東閩甚多，道家以此香浴，又用合香也。《嘉祐圖經》云：今所在多有之，吳地尤多。根長尺餘，白色，枝幹去地五寸以上。春生枝葉，婆娑紫色，闊三指許。花白，微黃，入伏後結子，立秋後苗枯。

明 李時珍 《本草綱目》卷一四 白芷《本經》中品。釋名：白苳、音止，又昌海切。芳香，《本經》澤芬、《別錄》苻離、《別錄》藟、許驕切。莞，音官。葉名蒿麻音力。藥。音約。時珍曰：徐鍇云，初生根幹為芷，則白芷之義取乎此也。王安石《字說》云：苳香可以養鼻，又可養體，故苳字從臣。臣音怡，養也。許慎《說文》云：晉謂

之臣，齊謂之茝，楚謂之薝，又謂之藥。生於下澤，芬芳與蘭同德，故騷人以蘭茝為咏，而《本草》有芳香、澤芬之名，古人謂之香白芷云。集解：《別錄》曰：白芷生河東川谷下澤，二月、八月採根暴乾。弘景曰：今處處有之，東間甚多。葉可合香。頌曰：所在有之，吳地尤多。根長尺餘，粗細不等，白色。枝幹去地五寸以上。春生葉，相對婆娑，紫色，闊三指許。花白微黃。入伏後結子，立秋後苗枯。二月、八月採根暴乾。以黃澤者為佳。敷曰：凡採勿用四條一處生者，名喪公藤。又勿用馬蘭根。

清 魏茂林 《駢雅訓纂》卷六 苻離，澤芬，蒿麻，白芷也。《爾雅·釋

草》：苳，苻離，其上蒿。注：今西方人呼蒲為苳，蒲蒿謂其頭臺首也。今江東謂之苻離，西方亦名蒲中莖為蒿，用之為席。《正義》：《本草》白芷，一名苳，一名苻離。王逸《楚詞注》：苳，夫離也。與郭異。蒿，音羽翻之翻。《神農本草經》中：白茝，《名醫》曰：一名苻離，一名澤芬葉，一名蒿麻。

清 陳湜子 《秘傳花鏡》卷五《花草類考·白芷》 白芷，一名茝，一名

苳，一名澤芬，香草也。處處有之，吳地尤多。枝幹不盈尺，根長尺餘，粗細不等。春生下濕處，其葉相對，婆娑紫色，闊三指許。花白而微黃，入伏後結子。立秋後苗枯，採根入藥。含香白芷，葉可合香，煎湯沐浴，謂之蘭湯。

清 張宗法 《三農紀》卷一八《藥屬·白芷》 白芷，《本草》云：葉粗，

對生婆婆，紫色，闊三指許。花白微黃。入秋結實，薄小。秋後苗枯，根長尺餘，小大不等。白色枝幹，去地五寸，一處四條。生者為喪公藤，採者勿用。《臞仙神隱書》云：白芷可避蛇。《楚辭》云：茝，香可以養鼻，可以養體。徐鍇云：草初生根幹為芷，義取乎此也。《說文》云：晉謂之薝，齊謂之茝，楚謂之薝，秦謂之藥。又有蒿麻，《淮南子》云：秋蔕被風，其色白，象乎乾也。其氣辛，味乎肺也。凡芳香之氣，好發揚而快爽，無表不到。故令清淨而遠穢濁，召祥氣以辟凶咎。詩人以蘭茝咏，時人以芳芬稱，故得有香之各也。有德者，必有香。香者，乃白操之氣也。能知止，則香可充矣。

清 吳其濬 《植物名實圖考》卷二五《白芷》 白芷，《本經》上品。滇

南生者，肥莖綠縷，頗似茴香。抱莖生枝，長尺有咫。對葉密擠，鋸齒槎枒，齟齬翹起，澀紋深刻。梢開五瓣白花，黃蕊外湧，千百為族，間以綠苞。根肥白，如大梅指，香味尤竄。

圖表

晉 郭璞 《爾雅音圖·釋草》



清 蕭雲從 《補繪蕭雲從離騷全圖》卷下



右芷。白芷也。或謂之茝，《禮記》所稱茝蘭是也。其葉婆婆，佩之可以辟惡。

清 吳其濬 《植物名實圖考》卷二五《白芷》




明也。頌曰：今江、湖、淮、陝、齊、魯州郡皆有之。春生苗，作藤蔓。葉大而尖長，頗似竹葉，面青色而光。根下一撮十五六枚，黃白色，二、三、八月採，曝乾用。時珍曰：百部亦有細葉如茴香者，其莖青，肥嫩時亦可煮食。其根長者近尺，新時亦肥實，但乾則虛瘦無脂潤爾。生時摩開去心曝之。鄭樵《通志》言葉如薯蕷者，謬矣。

清 張逸少 《佩文齋廣羣芳譜》卷九八《藥譜·百部》 百部，一名野

圖表

明 李時珍 《本草綱目·圖卷》



百部

綜述

宋 鄭樵 《通志》卷七五 百部，曰婆婦草，能去諸蟲，可以殺蠅蠊。其葉似薯蕷，根似天門冬，故天門冬亦有百部之名，二物足以相紊。

明 李時珍 《本草綱目》卷一八 百部《別錄》中品 釋名：婆婦草，《日華》野天門冬，《綱目》時珍曰：其根多者百十連屬，如部伍然，故以名之。集解：弘景曰：山野處處有之。其根數十相連，似天門冬而苦強，但苗異爾。《博物志》云：九真一種草似百部，但長大爾。懸火上令乾，夜取四五寸切短，含咽汁，主暴嗽甚良，名為嗽藥。疑此即百部也。其土肥潤，是以長大也。藏器曰：天門冬根有十餘莖，根圓短，實潤味甘；百部多者五六十莖，根長尖內虛，味苦不同，苗蔓亦別。今人以門冬當百部，說不

敗醬

綜 述

漢 許慎《說文》卷一 芙艸也。味苦，江南食以下氣。从艸，天聲。烏皓切。

宋 鄭樵《通志》卷七五 敗醬，曰鹿腸，曰鹿首，曰馬草，曰澤敗，曰鹿醬。葉似豨薟，根似柴胡，作敗醬氣，故以得名。

明 李時珍《本草綱目》卷一六 敗醬《本經》中品 釋名：苦菜、《綱目》苦藏、《綱目》澤敗、《別錄》鹿腸、《本經》鹿首、《別錄》馬草。《別錄》弘景曰：根作陳敗豆醬氣，故以爲名。時珍曰：南人採嫩者，暴蒸作菜食，味微苦而有陳醬氣，故又名苦菜，與苦蕒、龍葵同名。亦名苦藏，與酸漿同名，苗形則不同也。集解：《別錄》曰：敗醬生江夏川谷，八月採根，暴乾。弘景曰：出近道。葉似豨薟，根形如柴胡。恭曰：此藥不出近道，多生岡嶺間。葉似水荳及微銜，叢生，花黃根紫，作陳醬色，其葉殊不似豨薟也。頌曰：江東亦有之，狀如蘇恭所說。時珍曰：處處原野有之，俗名苦菜，野人食之，江東人每採收儲焉。春初生苗，深冬始凋。初時葉布地生，似松菜葉而狹長，有鋸齒，綠色，面深背淺。夏秋莖高二三尺而柔弱，數寸一節。節間生葉，四散如傘。顛頂開白花成簇，如芹花、蛇床子花狀。結小實成簇。其根白紫，頗似柴胡。吳普言其根似桔梗，陳自明言其根似蛇莓根者，皆不然。

圖 表

明 李時珍《本草綱目·圖卷》



半邊蓮

綜 述

明 李時珍《本草綱目》卷一六 半邊蓮《綱目》集解：時珍曰：半邊蓮，小草也。生陰濕墜甌邊。就地細梗引蔓，節節而生細葉。秋開小花，淡紅紫色，止有半邊，如蓮花狀，故名。又呼急解索。